

## बाबा का दरबार लगे

बाबा का दरबार लगे सै री,  
मंगल और शनिवार,  
बाबा का दरबार लगे सै री,  
मंगल और शनिवार.....

बालाजी की जोत जगै सै,  
कटते रोग पुराणे री,  
कटते रोग पुराणे री,  
एक दरखास लगे चरणों में,  
पल में बाबा आणे री,  
पल में बाबा आणे री,  
पल में रोग कटै सै री,  
मंगल और शनिवार,  
बाबा का दरबार लगे सै री,  
मंगल और शनिवार.....

छोटे छोटे दो लाडू,  
खाए तै पेशी आवे सै,  
खाए त पेशी आवे सै,  
मार मार क सोटे बाबा,  
घेर जोत पे ल्यावे सै,  
घेर जोत पे ल्यावे सै,  
ओपरा नहीं डटै सै री,  
मंगल और शनिवार,  
बाबा का दरबार लगे सै री,  
मंगल और शनिवार.....

दरबारा जोत जगे सै,  
पहरे पै हनुमान खड़े,  
पहरे पै हनुमान खड़े,  
धरया लंगोटा बालाजी का,  
दिखे सै भगवान खड़े,  
दिखे सै भगवान खड़े,  
सोये भाग जगै सं री,  
मंगल और शनिवार,  
बाबा का दरबार लगे सै री,  
मंगल और शनिवार.....

बाले भक्त जोत पै बैठे,  
सिर प हाथ मुरारी का,  
सिर प हाथ मुरारी का,  
महराणे में झंडा गड रह्या,

बाबा संकटहारी का,  
बाबा संकटहारी का,  
गुहणिया राम रटै सै री,  
मंगल और शनिवार,  
बाबा का दरबार लगै सै री,  
मंगल और शनिवार.....

<https://alltvads.com/bhajan/lyrics/id/29549/title/baba-ka-darbaar-lage>

अपने Android मोबाइल पर [BhajanGanga](#) App डाउनलोड करें और भजनों का आनंद ले |